

24072
=9

支 32.8

47

杖左堂續集卷二

嘉定孫致彌愷似著

壽韓慕廬閣學

吾聞昌黎之文起八代上比辰極下泰山魏公勛德
在慶曆伯仲富范歐陽間長洲先生今鼎足三峰天
外爭孱顏制科經義昉於宋恒與世道興衰關國
朝數公擅作者其餘舊習咸榛菅譬如論詩貞觀際
陳隋綺靡難為刪先生奮起今皇初手挽大雅淳
風還穿經穴史根理窟良工心苦同僂般才鋒却嫌



莫邪鈍筆力翻笑中黃孱驂騮昂首向虞坂乘時奮
迅登天閑鳳凰長鳴集阿閣下視織羽徒綿蠻重
瞳乙夜親激賞眷顧獨冠西清班立朝僅及十寒暑
綸扉密勿應投艱左右 聖人作心膂煦嫗兆庶離
恫瘝獻可替否慎溫樹但覺太和元氣醇醇悶悶迴
區寰始知大儒備體用今之所試才一斑先生自顧
若無有不改韋布神蕭閒門無請謁絕苴筐髣髴巖
穴非市闌荒厨塵甑愁脫粟瘦馬高骨艱空賢先生
典衣方名客稱詩說賦日夜相嚙嚙世態恥隨梁上

燕鄉心欲放籠中鷗秋來老鶴警清露填橋烏鵲喧
銀灣孤南一星照金醴酌以羅斛豪犀彎吐茵狂客
前上壽期願難老天寧慳只今行年才五十寶爻大
衍占巫環康公平格自茲始上樽牛酒看頻頒兒齒
寧藉張侯乳鬣髮却笑虞童髡期公中台列鼎鉉容
我下瀝扶犁鏝整頓乾坤拂衣早金庭玉柱同追攀
便呼赤松與黃綺相將躡遍七十二朶芙蓉鬢

送廖維一從其外翁袁密山通政歸廣東兼寄

屈翁山陳元孝梁藥亭關甫田時尊公南暉尚

留京師

秋月將圓夜乘風送爾行故園看日近長路倚冰清
城闕笳聲靜關河鴈影橫登艫頻極目應戀白雲生

二

辛苦而翁老將雛寄遠方與吾盟戴笠見子立扶床
槐市成名士花田返故鄉却思離亂日歡喜意難量

南暉遇亂漂流客中
生維一今始得歸也

三

莫悵趨庭遠淹留尚薊門未尋王粲宅只爲信陵恩

春畹蘭香早秋林桂子繁重來看射策晝錦共歸軒

四

素公我畏友百鍊得南金不戀銀臺貴難忘土室心
聖朝容解組快壻共披襟粵秀山如画時應載酒尋

五

神交長接夢執友劇相思楚調離騷作唐風感遇詩
錦衣傳舊德絳帳憶經師杖履追隨好聯吟報我知

題沈心崖詩卷後

探得驪珠可辟塵任將鱗爪付旁人空群天馬行無

跡絕代娉婷淑且真宦拙翻嫌詩思巧才多不稱客
裝貧風騷自得千秋樂肯歎淮陽長孺薪

壽楊以齋年伯

乾坤啓昌期光岳挺人瑞煌煌司馬公體用經權備
昔公魁春官我年才十四揣摩行卷文心欽天廟器
上規王震澤下迄陶石簣洗伐變毛骨淵源皆有自
緯以韓歐筆經以周孔思唐皇盛世音奧突大儒粹
願言持辨香避席析疑義及聞公登朝諤諤真諫議
造膝皆訐謨彈劾無所避朝攀丹陛檻夕伏青蒲地

雷霆怒屢干寧問權貴忌匪市敢諫聲亦惟國是爲
先皇容直臣每拜鹽酒賜泊乎 今皇初簡在歷省

寺才大無不宜盤錯隨所試鬼方忽蠢動白頭叛吳
淠貴竹當咽喉蛇豕逞恣睢 天子赫斯怒壯猷元

老寄 命公開大府獮雉厥携貳叱馭不宿行先聲
讐老魅擒縱紆籌策飽騰供餽饋孤雛游沸釜儵忽
市朝肆溷池偃戈鋌黔中息烽燧推誠安反側布德
綏凋弊蠻煙瘴雨鄉耕鑿生理遂俄膺 璽書召歸
贊司馬事兵銷日月光績懋旂常紀仰承倚毗隆彌

勵匪躬志喁喁六宇間相賀霖雨至所期和鼎實上
佐垂裳治小儒伏菰蘆野服淹薜荔秋賦逐二難忝
竊名相次卅載心所私得邀猶子視今春拜牀下盜
盜和風被側聞賞孟嘉此君頗小異下階在一言知
已果不異窮途慶所遭失喜夜忘寐其年秋八月公
開七袞始神同海鶴清質與岩松翠方偕攬輝鳳阿
閣翔接翅豈逐豔陽花隨時異憔悴期願比召康國
棟民得庇公昔司典校翦剔皆天驥緩耳久負鹽昂
首亦有冀倘能迴一顧或可備三駟稱詩放鴿辰聊

當執雉贄

徐虹亭檢討寓齋王阮亭少詹舊寓也庭中老
椿二株近百年物今年秋檢討招同秀水周簪
谷華亭葉秦川徐虞門吳雪園青浦王令詒吳
江張弘遽太倉吳元朗觴詠其下秦川繪圖令
詒題詩其後子輩皆次韻和之兼懷少詹

嘉樹經秋未減陰夕陽霞影落杯深地偏只許詩仙
住句好長留醉客吟甫里夢牽蓴菜滑明湖書憶鯉
魚沈憑將畫取藍田野古木城坳共盍簪

維水有武林之行次大復韻送之兼寄九恒雪
巢宇昭澗芳叔毅西崖定隅王士文子

指點湖山數去蹤側身南望欲相從共看碣石宮前
月似聽棲霞嶺上鐘此地舊多詩酒伴他時遙憶夢
魂重六橋三竺應尋徧莫問當年立馬峰

廣陵聲求念功合樽張樂招集花前同越江青
壇孟綸弘導茂京憲尹東發元朗

江東才子玉堂仙解佩留賓醉管絃樂部風操桃葉
渡酒徒星聚菊花天氍毹燭影催宮漏迷迭衣香惱

客眠却憶吳趨坊裏去蹋歌曾許臂相聯

上左都御史徐公

聖作文明代天詒輔弼臣民生依國棟士論仰儒珍
竹箭鍾南美璿璣表北辰鄧林材挺拔懸圃玉璘珣
早執齊盟耳同扶大雅輪連苞翔鸞鷲方駕騁騏驎
門業高王勃科名並却詵詵珠傳三樹貴桂羨一枝新
鏡驗芙蓉下衣爭楊柳春花輒趨獨早蓮燭 賜何
頻應制翻黃鵠陪遊對白麟身依天咫尺手代 帝
絲綸魚水時無匹雲龍契莫鄰 今皇勤訪落舊學

藉敷陳 主德資丞拂仙班列侍宸占星俄聚井觀

樂恰歌幽璞辨陳倉寶材收旱麓榛卿雲賡 秘殿

化雨沛成均師道崇模楷儒風返朴淳龍門人共仰

鳳閣地彌親典冊歸司馬詞垣寵鄭綢 九重參密

勿萬彙得陶甄月省清班峻天綱憲府振風霜森棘

陛昂畢耿秋旻指佞階前草匡 君領下鱗讜言皆

逆耳抗論每忘身諤諤驚朝野容容愧縉紳囊留魏

徵楊廉夫作反呼疏扇障庾公塵改玉前王遠鏤金舊版湮

夏殷雖可鑒文獻竟誰詢筆削三長擅褒譏一字真

書同南史直詞儷典墳醇列聖心應慰名臣跡未淪

興亡昭炯鑑法戒免迷津每痛先公志偏丁國步屯

請纓當急難借箸極艱辛幸脫同文獄先中丞在職方為趙忠毅

公草公疏救楊忠烈公又疏請保護國本逆瑞屬其

黨風先公附已當大用先公峻拒之又為六君子經

營身後事瑞銜切矯旨閑終遭丞相嗔先公以兵變

住幾不測會瑞敗得免陵驗自刎重且兵由激變無殺先公意温

體仁欲藉以傾宜與屢進密揭遂及於難十年支勅

敵一死快姦人運去功何有身孤道未伸策空留復

漢識已驗亡秦歷數移誰挽臣心歿更純苟非憑信

馬得遇九方歎孔李申通好劉盧忝世姻狂來容賭
墅醉後屢汗茵知己生難遇銜恩念敢泯倘邀揚祖
德豈獨感 皇仁飄泊淹長缺生成託大鈞抒懷兼
述德仰止在松筠

吳趨兒

吳趨小兒對門居東家西家不相如東家四姓甲乙
族朝朝暮暮聞讀書西鄰別有繁華子自矜顏色蓮
花似朝隨惡少博長負暮侍富翁嬌不起折腰齟齬
態最工叅軍蒼鶻排場同王侯甲第重歌舞千金買

向長安中一旦歸來自誇耀出入朱門事權要節使
卑躬延上賓鄉袞握手稱同調東家抱書囊乾螢鄰
里往往來譏評不諳簪搵綠腰譜底用揣摩白首經
孔垣三園亭見學亭先生遺詩有感而作追和

原韻

愛爾幽棲好居然濠濮間地偏心更遠身隱夢俱閒
樹罩藏書屋雲生蒔藥山都無人跡到只聽鳥關關
二
境離喧寂外意愜有無間暗水穿階急高雲向客閒

筆隨秋後露琴嚮画中山埋照劉伶似何妨且閉關

三

五載羊曇淚重濡素壁間守官惟澹泊招隱共蕭閒
放達東西晉賓朋大小山淒涼遺翰墨感慨意相關

贈夏葵存丈兼懷冠文

子雲筆札重燕臺輦下公卿倒屣來珠翠繞船修禊
後木腸人唱櫂歌迴

二

顧曲閒情點拍真峽猿聲斷客沾巾不知誰得陳王

枕漫託微詞賦感甄葵存有
三聲淚雜劇

題趙景思遺像山陰人以吏員作令
於蜀死獻賊之難

國恩三考臨花縣臣節千秋在錦江多少公卿出科
目揣摩長策是迎降

張魯紱見里媪持顧茂倫雪灘釣叟圖於市重
價購之以還其子潘霜男為記其事余亦有作

松陵詩老雪灘叟撚髭吟得詩千首當年寫作釣雪
圖群公題詠播人口不知何年落吳市村媪携將換
牢九張子工文又工詩見之不異獲瓊玖兼金購得

不自寶歸之叟家俾世守魯弓重得趙璧歸此舉真
堪垂不朽復令潘髯記其末文詞爾雅類螿曰昨者
酒間出相示使我把玩咨嗟久平生未得識叟面四
聲八病同擊剖何期相遇向丹青薦以黃花酌之酒
却思此卷久流落一朝遇子良非偶不然便歸好事
家不然便入俗人手人間只作画圖看寧知釣者爲
誰某矜式先詰及遺像此事古來得未有緇衣好賢
子其亞嗚呼吾詩其敝帚

題張西又煮石山房限韻

瑩潔過於璧與琮夢中五色陋充宗鑷頭採得陽泉
洗鎗脚煨時武火衝上箸軟知如芋美堆枰滑不受
苔封瓶無儲粟何須問笑指千峰與萬峰

二

礪將虎齒嚙瑋琮弁曲詞仙共一宗

姜堯章稱白石老仙噉去

應和雲液嚙飽來還用酒兵衝地肥難許尋真遇石
髓虛勞寄遠封爭似先生攤飯好撐腸七十二高峰

除夕與大年對雪效聚星堂禁體即次其韻

愁雲凍合不成葉釀作人間一尺雪閒門久矣張雀

羅幷遣朝來飛鳥絕故人衝風鬚蝟磔憂我瘦骨遭
凍折楚然履齒印中庭語笑未了踪已滅天公作意
來餽歲滕六按掌巽二掣野人受此未傷廉大勝盤
飧與篚纈彼哉狡獪鳥爪人搏削投爐眼添屑雖無
醇酎敵凌兢且對林塘賦飄瞥君歸我豈不欲留如
佛境界不可說明朝能過賞新晴凌澤瑋琮亂檐鐵
重集戩宜西軒同辛瓢翠庭樗園鳳阿瑞年宗
子鴈湄雅集限燈字
過申犯卯醉眠曾暈碧裁紅綺席仍舊雨倍添情纏

縷恐泥難阻興飛騰蘭香入酒浮渠椀人面如花映

寶燈試譜玉田新樂府倡酬佳話又重增

戩宜填詞最工是日

限填東風第一枝一闕

送汪定園戍關中

秦吳遠別恨難勝攬袂無從但拊膺豪傑翻充閭左

成功名空負羽書徵

滇逆不軌建義將軍一等侯林興珠慕其知勇遣守備徐駿聲

以書徵君以母喪不赴大中丞慕勸駕而行

三峰八水留形勢漢寢唐陵

弔廢興入粟歸來秋正好為君酌酒重挑燈

五日戩宜招飲同秋孫西又賓臣大年瑞年分

賦故事得賜羹

食母之鳥安足珍天厨歲用頒群臣惡彼逆天殄厥
種長竿注首烹其身不知何年此禮罷醜類公然滿
天下東飛翻入豔歌傳世人却把慈烏罵

秋水軒壽讌詩

歲月偏於酒國長招邀投轄縱疎狂綠腰譜愛偷聲
度纖手鈎容隔座藏玉局更無愁可解樊川真以飲
為忙鳩車竹馬餘兄弟日日從君醉一場

門人朱歌虞移居小浣花疊鳩巢韻贈之

臨江何處可誅茅辛苦經營燕子巢家具少知車易
借詩才多任鉢頻敲棋書酒伴窮幽賞雪月花時聚
故交得似錦官城外否竹寒沙碧小塘坳

二

聚雪占著藉白茅連雲休戀舊時巢閒中書展蕉心
寫醉後歌將柳瘦敲嘉樹成行花不斷游魚作隊影
相交信知爾我真同調分占清溪水一坳

余與歌虞
所居皆枕

清鏡
塘

題扇

一片珠光照眼明等閒過處暗香生春山如笑天然
媚秋水為神別樣清草草杯盤留軟語匆匆燈火促
離情亦知舊住銀河上未敢乘槎取次行

題徐用王藏剩人澹歸兩公詩冊

子規啼血灑殘春三峽哀猿迸淚頻爭似秋窗燈火
暗一編貯苦復含辛

二

劫火燒殘不壞身心同碧血與青燐殘縑斷楮誰收
拾憑仗西臺痛哭人

招東臯仍用題扇韻

木犀香裏月鈎明獨客禪扉飲興生花外不聞雙屐
過床頭空負一樽清相憐舊雨兼今雨莫遣深情類
淺情短簿祠前延佇切早移小艇画中行

訓門人陳我完次來韻

我完之高曾祖三世為
真孝廉其曾祖則先中

丞同
年也

舊里猶存通德餘清溝終不映汙渠詩從病得推敲
細貧任人嗤禮法疎箬下樽堪澆醜壘河東賦好待
吹噓鑄回自笑吾衰久手澤無忘插架書

無題仍用題扇韻

寶燈偏映眼波明紅暈微渦一笑生到處似添山色
好坐來宜對月華清鶯嬌柳鞦韆詩標格玉軟花柔酒
性情欲泥画師相画取少年行壓麗人行

從沈南季乞画

漫許雲龍下上從餘生只合伴孤松青山好買無錢

買画裏憑君乞

去聲數峰

偶集友人齋即事疊韻

梵字闌邊樺燭明樽前諧笑轉風生已拚杜酒尋常

醉無那韓香分外清人到悲秋同薄病雨能留客太
多情更深豈少衝泥屐總欲歸時未忍行

若緘四十生朝戲贈

游戲黃塵四十秋何曾有事上眉頭佳兒肯構一而
足健婦持門百不憂借月留雲忙作務耽詩殢酒淡
風流年年長把茱萸醉笑擁州侯與夏侯

二

生朝恰喜菊花秋未許吳霜點黑頭身健甘爲朋友
用心閒恥代子孫憂每當露飲看顏玉偏愛巖栖伴

枕流仗節擁旄何足道相期老作醉鄉侯

恭和座主東海公詠物二首

蛛網落花

腸斷東風片片吹不飄茵席罥游絲散來空際疑天
女網出溪邊比越姬顏色豈因羅罽改馨香猶許蝶
蜂知巡檐莫怨閒蟲豸看取明春滿故枝

柳絮

一辭金穗便無依飄泊誰憐點客衣風已定時猶自
落泥當沾後更難飛謝娥句好空相擬楊叛歌殘竟

不歸莫笑托根浮淺水綠萍還解答春暉

題僧小照

閒凭曲盃床靜對烏皮几聞木樨香乎吾無隱乎爾
聞紺池和尚移住壽寧菴次艮翁先生韻寄之

皓月隨方照閒雲不定居一枝聊可借三宿竟何如
細詠懷人作勤翻出世書相尋知有路空外認鐘魚

燕巢詩次韻爲東臯賦

東臯無屋可居東山席
氏有閒房在白公堤上

代爲乞之
遂荷見諾

王謝堂前舊壘非連雲何處更堪依許從画棟春深

借便補香泥社後歸把燭莫教驚好睡穿簾長自見
交飛將雛早趁薰風候相對呢喃刷羽衣

戲題 六疊題扇韻

芙蓉霧裏不分明枉惹閒愁觸處生昨日事隨秋夢
短他生緣結夜香清醉眠阮籍無他意慟哭王與別
有情一曲斜陽黃葉路曾經拾翠履綦行

星遠往無錫久而不返聞遂渡江詩以寄之

西神山下放輕艫乘興傳聞便涉江分手又過蟾兔
滿關心空望鯉魚雙荔枝酒熟香浮椀玉茗花開雪

映窗不得君來吟賞共自聽夜雨剪銀缸

王雲岡下第南還過山寓同張甥話舊

素衣未浣洛陽塵先向荒山訪隱淪別後風波經小

劫夢中詩識省前因

辛未元宵同宿京邸予夢中賦詩記其落句云吹蠶廢食非常

理善事誰云不可為醒而述之相對愕怡不意果為予與令兄得禍之兆都無耗耗可憐

色不學尋常下第人把酒儘堪齊物我莫辭歸棹且

逡巡

虎邱留別

結束詩囊共酒瓢難拋客舍與僧寮新秋逃暑直逢

雪深夜評花每到朝久住漁樵皆惜別忘機魚鳥亦
魂消緣堤衰柳如相送低拂帆前萬點橋

李書雲都諫招集仁安堂即事賦謝

元禮門高世所宗牛衣重許一登龍鉗槌語徹晨鐘
冷酬勸情隨臘酒濃南部煙花歌宛轉東山絲竹興
從容盎然共醉春風裏不信今朝是杪冬

春半閒居雜題

未甘人喚作衰翁興寄狂吟痛飲中酒券經營惟日
富詩囊折閱到天窮柳絲漸軟迴輕碧杏蕊將舒試

小紅不厭雀羅門徑冷多情真愧舊春風

二

一半春光劇可憐付他雨橫與風顛衝泥未倦尋花
屐破曉先呼載酒船冰雪携來聊避俗煙霞夢去當
遊仙閒身只是耽行樂不把陰晴苦怨天

三

三年踪跡隔修門煙九春遊結夢魂信馬屢過仙客
院解魚曾醉酒家村宮花一別添新樹巢燕重來認
舊痕莫學騷人怨芳草得歸茅屋是君恩

四

醉中忽忽過花朝點髻吳霜借酒消細草和煙容易
長殘梅如雪未全飄腥風入市河豚上野味登盤薺
菜挑脫煖緼袍行可典不愁獨醒負今宵

即席詠紫牡丹

紫府仙人躡紫雲花王名種魏家分季倫絲障虛勞
設安石羅囊可待焚綃帳深籠香不散霞杯頻勸酒
微醺薦紅膩白羞凡俗合把春光讓與君

旁有玉樓
春尚未放

故云

山塘春暮疊韻四首

飛來何處白頭翁喚醒春眠宿醉中雙屐更添花信
健百錢拚向酒家窮摩挲老眼看橫翠搜索枯腸賦
比紅帶累閒人忙未了怨他二十四番風

二

嬌花寵柳不勝憐爛熳風光賺老顛粉印淺留三寸
麝玉纖飛送百分船詩堪入画王摩詰僧亦能吟賈
閻仙同向白雲橋外醉擬看香市到諸天

三

水石堂集卷三
画繞迴指二山門無處逢春不斷魂柳色綠遮雲外
塔菜花黃壓水南村探鈎燭底傳眉語記笛橋邊劃
爪痕歸向佛燈頻懺悔情塵難負玉釵恩

四

歡呼卜夜復連朝却笑劉郎髀肉消肯使春從愁裏
度忍看花向醒時飄一旗未展茶先摘雙燕初歸筍
旋挑更乞天公捲雲幕放教明月照良宵

送春次右泉韻

春來何意去何由枉逐盲風怪雨休天豈吝教三月

閨人元難避一生愁醉中花事從他老別後鶯聲爲
我留縱使相逢仍此歲今宵那免皺眉頭

今年閏五月於臘月

即立春故云

徐載裳招同蔣曙來陳虎文陸旣藩徐桐侯顧

天山程汝諧集十硯樓卽事分得遂字

野性如山麋初衣偶得遂消夏少樂方拍浮憶沉醉
忽枉折簡招新知意何摯緇衣展宿好四座同心萃
高樓臨胥江爽塏復幽邃疎簾清簟間井井見位置
書籤甲乙陳丹鉛徧標識粉本沈紫裝響榻硬黃膩

什襲出十硯山骨琢秀異摩挲爽心神隄糜未忍試
私印篆刻工妙得漢人意觸目增愛玩一一吾所嗜
詩篇互長吟煅煉出精粹髭斷剩幾莖齒落過十二
敢以偏師攻直欲三舍避歡賞竟忘疲歌呼復揚解
李白人欲殺君平世所棄感子獨綢繆重雪迴車淚
被酒發狂歌聊以識吾愧

崑山寓歸鍊師悠然室作

紫府遺踪舊觀有仙跡籃輿過訪初最憐仙客院宛似野
人居出谷空聞鳥臨流豈羨魚祇應蒙絳帕來讀道

家書

二

凡骨何由換塵心向此降好山青到枕止水碧當窗
靜想移琴薦閒宜命酒缸久醒朝市夢一任曉鐘撞
次韻贈汪東川祭酒

儒宗久繫蒼生望勛業爭期上景鐘郭隗臺高新市
駿李膺門峻舊登龍衆禽喧處聞孤鶴百卉凋時見
古松許向東山陪讌賞餘生真自慶遭逢

二 戊辰夏余以揀選伴讀引見 勤政
殿適先生侍直薦余力甚故有五句

京洛舊遊天上夢留賓夏屋記渠渠君宗望仰荀陳
重爾汝交慙孔禰如曾假羽毛當紫殿劇憐名姓掛
丹書誰知憔悴江潭客槐板還同薄笨車

三

煌煌典冊歸鴻筆餘事還傳抱膝吟可但風雲爭變
幻直將海岳並高深伐毛洗髓標仙客疊玉編珠費
苦心怪得詩家齊下拜卅年早碎射洪琴

四

賣文爲活翻懸磬飲伴偏憐老斛斯幾度相逢容我

醉此生不恨得公知湖山豈倦登臨興陶寫頻煩絲
竹期更共二難論世好擘箋重賦角弓詩

疊韻贈邵戒菴少詹

逍遙暫命東山屐獻納常懷上苑鐘史筆舊傳追左
馬帝謨曾矢冠夔龍風塵偶倦閒揮扇霄漢終期
驗夢松却憶翹材開館日幾回倒屣接章逢

余自癸丑荷公
下交已二
十餘年矣

二

三入承明著作廬清溝終不映汙渠瑾瑜經火光難

木之宮集卷二
掩松柏凌霜翠自如曾記薦賢勤削牘更誰泣罪緩
刑書公屢司文柄得人最盛頻年議緩秋決全活尤衆歸來自愛行窩好花
外人爭望小車

三

三年逐客魂離散憔悴誰憐澤畔吟失路敢期知己
顧餘生倍覺感恩深運斤大匠成風手公爲余手定拙句東
緼鄰家請火心慚愧枯桐甘爨下荷公猶許斲爲琴

四

三弘祖德光前史先工部公建言廷杖謫戍以卒其子伏闕上書請復原官事在明史

人稱爲麟鳳世家直節清風想在斯麟鳳名高家學在鹽梅
望重 帝心知園開獨樂元無悶星復文昌自有期
只恐湖山留不住爲公先賦袞衣詩

贈成仲謙

相門舊德見韋平馭歷仍高岳牧名曾向艱貞覘學
力夏逆之變脅君不從懷其偏於淪落重交情湖山關防踰城折一足乃免
縱屐登臨徧書画船移鑒別精勿戀煙霞輕紱冕還
應捉鼻念蒼生

藝初過山中招同學山飲舟中賦謝

離散誰招楚客魂煩君舟楫遠相存別來飄泊關情
切醉後行藏把臂論決水有心蘇涸鮒投林無路憫
窮猿都將阮籍迴車淚灑向今宵雜酒痕

贈褚學稼

續史才高褚少孫懶遊金馬愛衡門庭前經授雙瓊
樹帳底書藏五石樽

君著有堅瓠集行於世

青眼風流追大阮

謂令叔蒼書

素心晨夕卜南村杖鄉未肯扶靈壽長醉名

花雪滿園

所居四雪草堂花木最盛

酬張處冲詠飛蟲絡蛛網見贈之作

偶然鼓翅傍花過才到花間觸網羅纖縷織成原有
待微軀投處恰逢他晴天自悔飛騰誤暗地休嫌墨

礙多試問石湖仙去後山童還肯解圍麼

解圍見石湖詩

張湛謀招同宋駿公聞爾達集芳草堂時宋聞

兩君同往白下予亦將有秦中之行即事次湛

謀韻

解袂纔過三月三行厨恰許聚朋簪黃梁熟後人同
醒青翰歌中酒易酣正羨仙舟移李郭却愁倦馬向
嶠函何當重聽西窗雨細把今宵勝事談

揚州遇王器先出鍾陵遣興詩見示次韻贈別
門高轉愛避塵囂不厭衰遲屢見邀每過侯生親執
轡欲留枚叟共觀潮贈來芍藥憐隋苑唱罷驪駒指
灞橋頓覺吳裝行色壯新添詩卷壓牛腰

讀張亢友集句詩賦贈

編珠疊玉愛紛綸驅遣前賢筆有神斷句試拈成屬
對陳言經用轉生新琴調百衲音偏雅裘集千狐價
始珍却笑連眉長爪客枉拋心力作詩人

答蓮洋山人

下馬陵前草共班君猶作客我投閒難忘燕市悲歌
日肯問盧家捷徑山鶴解凌霄偏剪翅豹甘隱霧始
成斑解嘲戲詠秋槐句貧爲詩人鍊九還

雨窗偶成疊閒居韻

自笑飄零老秃翁又聽秋雨臥關中飛來水鳥多鴨
鴉療得河魚少鞠窮堯韭芋眠他自碧舜華沾濕也
能紅欲教病鶴經秋健掃盡浮雲待好風

其二

生涯真似信天翁兀坐孤吟煙雨中女宿陳瓜難乞

巧奴星縛柳未離窮乞憐不慣頭先白教調還愁面
發紅安得去來隨我意朝南暮北趁樵風

聽周尚賓吟所作蜀棧紀行詩有贈

李白曾歌蜀道難酒壚聲價動長安重聞劔棧新題
句疑向刀州夢裏看鳴鵠尚留仙跡在啼鶻如訴霸
圖殘何當更訪三峨去雪壓娑羅六月寒

題龔節孫種橘園

昔從陳髯識龔子長身鶴立神清癯嗜我惡詩如羊
棗邀我為賦種橘園當時被酒輕一諾擘箋染翰翻

躊躇才情轉退學殖落氣盡豈但大小巫譬如芳草
滿蘭澤蛇床未敢叅薜蘿十八年來等電掣相將弔
古如唐都班荆語半責宿諾築臺無地逃詩逋李衡
生計已就未知子意不存區區古來築亭并作頌後
有端明前左徒直將嘉樹合臭味歲寒不受冰霽枯
素花芳馨朱實美彼哉辱以千頭奴錫貢包如九品
重君王玉食光輝須貞姿勁節供世用比似吾子寧
有殊吾今又賦從軍樂且復為子留須臾商山之樂
何足戀願子早向金門趨他年功成期結隱國山青

映包山湖霜天丹黃千萬樹與子嘯傲重提壺

消寒第二集分賦得霜限寒林二字

白鴈先傳信凝陰早戒寒最憐珠露結休當雪花看
入夜鐘初動凌晨瓦漸乾何當占霧凇飯甕野人歡

二

旋改蒼葭色俄凋錦樹林板橋寒有迹葛屨暗驚心
月誤牀前見秋驚鏡裏尋曉窗吟思苦愁向斷髭侵
同丹壑太史集節孫寓齋賦花朝風得江字

青鞵初試踏青韉少女風偏撼綺窗漫翦護花旛葉

葉劇憐銜蕊蝶雙雙

汴京花朝士女為撲蝶會

畫簾深影搖銀押


綠酒微波泛玉缸好向崇蘭問消息何妨二月渡春

江杜詩春江不可渡二月已風濤

一畝居雅集分賦秋葵送悔餘吉人得酒字

幽花無艷姿亭亭出蓬莠每當闌暑餘擢秀九秋首
衛足非所能傾心亦何有不知扶桑日肯為迴光否
淺淡麴塵衣宜託東籬友勿向此花前匆匆易分手
且倒金屈卮共醉鵝黃酒

此花一名側金盞



木石印集卷二

三

